

玉函山房輯佚書

喪服釋疑一卷晉劉智撰智字子房平原高唐人官至太常諡曰成事蹟具晉書本傳智爲大尉寶弟貞素有兄風負薪讀以儒行稱傳載著喪服釋疑論多所辨明其書隋唐志不載而隋志別出梁有之書喪服釋疑二十卷孔智撰亡余氏蕭客云通典引數處並云晉劉智無孔智按禮記正義亦引劉智以此合本傳證之知隋志誤劉爲孔也茲從孔疏通典輯錄凡十七節酌理準情明辨以哲管軒謂與劉頴川兄弟語使人神思清發昏不假寐於此益信矣歷城

聖月

二十二卷七十

馬國翰竹書

喪服釋疑

晉劉智撰

文王世子云公素服不舉無其倫之喪無服親哭之  
諸侯於兄弟服加衰經此無服但素服不加衰經記禮

文王世子孔  
穎達正義

父之重長子以其當為禰後也其所繼者於父則禰  
於子則祖也禮記喪服  
小記正義

亡其親者不知其死生則不敢服然則終身不祭乎  
智曰唯疑其生則不敢服也必疑死焉可不祭乎古

之死者必告於廟今亡其親必告其先廟使咸知之  
求之三年若不得也則又告之者欲令其生也則隨  
而禘之其後疑祭必告今知其疑不受也鬼死者終  
歸褻也視辭以告疑則還廟不遷矣憑陵之心加崇  
於尊此孝子之心也

杜作通典  
卷五十一

凡屈不得服者皆有心喪之禮小功以下不稅服乃  
無心喪也

通典卷  
八十一

嬰兒無知然於其父母之喪則以褓抱之其餘親八  
歲則制服矣七年曰悼過此有罪則入於刑必致之

於禮故在下殯之年爲之制服按小功章昆弟之殯

服昆弟之下殯是亡下殯之年則行服也同上

喪服云庶子不得爲長子三年不繼祖也譙周五經

然否云小記曰庶子不爲長子斬不繼祖與祖也此

但別庶子而下言不繼祖者謂庶子身不繼祖故其

長子爲不繼祖合而言之也通典卷八十八引譙周

亦同此議

侍中庾純云古者所以重宗諸侯代爵士大夫代祿

防其爭競故明其宗今無國士代祿者防無所施又



古之嫡孫在士位無代祿之士猶承祖考業上供祭  
祠下正子孫旁理昆弟敘親合族是以宗人男女長  
幼皆爲之服齋縗今則不然諸侯無爵邑者嫡之子  
卒則其次長攝家主祭嫡孫以長幼齒無復殊制也  
又未聞今代爲宗子服齋縗者然則嫡孫於古則有  
殊制於今則無異等今王侯有爵士者其所防與古  
無異庶嫡之制則不得不同至於大夫以下旣與古  
禮異矣吉不統家凶則統喪考之情禮俱亦有違按  
律無嫡孫先諸父承財之文宜無承重之制劉智以

爲此說非從古制也魏晉二代亦自行之

通典卷八十二

問者曰禮孫無祖後三年者以其當正統也庶子之  
長孫既不繼曾高祖此孫爲庶祖承重三年不答曰  
繼祖者不唯謂大宗也按喪服傳與小記皆云庶子  
不爲長子三年不繼祖與禰也兩舉之者明父之重  
長子以其當爲禰後也其所繼者於父則禰於子則  
祖也父以己當繼祖故重其服則孫爲祖後者不得  
輕也然則孫爲祖後皆三年矣且甲衆子也生乙乙  
生景而乙先卒景爲長子孫而後甲甲亡景爲甲三



年則甲是庶子無嫡可傳若不三年則景爲乙之嫡

子而闕父卒爲祖後之義也

同上

或問曰若祖父先卒父自爲之三年已爲之服周矣

而父卒祖母後卒當服三年不平劉智答曰嫡孫服

祖三年誠以父卒則已不敢不以子道孝於祖爲是

服三年也謂之受重於祖者父卒則祖當爲已服周

此則受重也已雖不得受重於祖然祖母今當服已

周已不得不爲祖母三年也小記曰祖父卒而後爲

祖母後者三年特爲此發也

通典卷八十九

問曰高曾祖母與祖母俱存其卑者先亡則嘗厭屈  
不答曰昔魯穆姜在而成公夫人薨春秋書曰葬我  
小君齊姜舊說云妻隨夫而成尊姑不厭婦婦人不  
主祭已承先君之正體無疑於服重也

同上

雖爲父後猶爲嫁母齊終訖葬卒哭乃除踰月乃祭

通典卷九十四

親母出則服繼母之黨繼母既卒則不服也

通典卷九十五

或問禮爲人後者爲當唯出子一身還本親也魯國

孔正陽等議以爲人後者服所後之親若子非其本

喪服釋疑



四庫全書補校

二十二卷七十五

親降一等者以其至其子以義斷不復還本親故也  
禮云若子者則於本父母不若子矣智又按禮爲人  
後者於兄弟降一等此出子及其子孫皆爲人後者  
也甲無後故乙爲之後乙之子孫皆去其親往爲甲  
後皆當稱爲人後服本親不傷於後者若子則其孫  
亦然矣本親有自然之恩降一等足以明所後者爲

重無緣乃絕之矣

通典卷九十六

按禮記小記云生不及祖父母諸父昆弟而父稅喪  
子則不智以爲生不相及二文相害必有誤字昆弟

相連之語易用爲衍至親並代不得以不相見而無  
相服之恩也若令生不相及者稅服則父雖已除後  
生者不得追服也凡不服者不服則父雖稅其子孫  
無緣服也以此推之弟衍字可知也通典卷九十八  
禮記喪服小

記孔穎達正義引王云以爲記已之生不及此親  
之存則不稅若此親未亡之前而已生則稅之也  
又謂昆弟爲諸父之昆弟也劉智蔡  
謨等解正義與王同而以弟爲衍字

問云按喪服小記慈母之父母無服孫宜無服慈祖  
母矣又曰慈母與妾母不代祭孫不祭慈祖母何服  
之有智曰禮爲親母黨服爲繼母之黨不服不妨孫



服繼祖母也禮孫爲祖後如子所言妾母不代祭者  
據奉之者身終則止耳豈有妾子先亡孫持喪事而  
終喪便不祭也

通典卷九十八

遇亂離析計父母之年已過百年可終卒矣而不得  
音問計同里同年者於其死日便制喪服或以爲終  
身或不許者如何智答曰父母生死未定則凶服不  
宜在身繼祀爲重然則言不宜制服必繼代祀者吾  
以爲得之矣凡服喪而無哀容得以不孝議之處厭  
降不得服其親而哀情至者吾得以孝篤稱之

通典卷九

問曰今有狂癡之子不識菽麥又不能行步起止子  
無人道年過二十而死者或以爲禮無廢疾之降殺  
父當正服服之耶以爲殤之不服爲無所知耶此疾  
甚於殤非禮服所加也禮之所不及以其從例所知  
故也不宜服矣此二者將焉從智答曰無服之殤至  
愛過於成人以其於生性自然未成因斯而不服矣  
漸至於成人順乎其理者也至於廢疾多感外物而  
得之父母養之或不盡理而使之然仁人痛深不忍

不服故禮不爲作降殺不得同殤例也

通典卷一百一

問曰昆弟骨肉以罪惡徒流死者諸侯有服不智答曰凡以罪惡徒流者絕之國君於兄弟有罪者亦絕也舊說諸侯於兄弟有弔服服纁經此不服則無纁經素服而已不弔臨其喪也諸侯之身體先君奉祭祀是以不得盡其情於所絕耳然則不爲父後者則服之矣

同上

問者曰久而不葬喪主不除若其父遠征軍敗死於戰場亡失骸骨無所葬其服如何智云此禮文所不

及也以理推之凡禮使爲主者不除不謂衆子獨可  
無哀誠以旣變人情必殺喪雖在殯不爲主者可以  
無服然則爲主者之服可以哀獨多也以喪柩在不  
可無凶事之主故也今無所葬是無屍柩也因禮無  
施則爲後者宜與衆子同除矣訖葬而變者喪之大  
事畢也若無屍柩則不宜有葬寒暑一周正服之終  
也是以除首經而練冠也亡失親之骸骨孝子之情  
不欲崇也可令因周練乃服變經雖無故事而制  
之所安也

通典卷  
一百三



玉函山房輯佚書目

卷二十三

經編儀禮類

蔡氏喪服譜一卷 晉蔡謨

賀氏喪服譜一卷 晉賀循

葬禮一卷 晉賀循

喪服要記一卷 晉賀循

喪服要記注一卷 謝徽

葛氏喪服變除一卷 晉葛洪

凶禮一卷 晉孔衍

集注喪服經傳一卷 宋裴松之

略注喪服經傳一卷 宋雷次宗

喪服難問一卷 宋崔凱

喪服古今集記一卷 齊王儉

蔡氏喪服譜一卷晉蔡謨撰謨字道明陳留考城人  
官至司徒贈侍中司空謚文穆事蹟具晉書本傳所  
著喪服譜隋唐志並以一卷著錄今佚晉書禮志引  
其說凶門一節通典亦載之又引蔡說喪服凡十二  
節皆問難禮中疑義書以譜名宜有圖格今不可見  
佚說皆引經斷制問有駁斥鄭義者亦言之成理云  
歷城馬國翰竹吾甫

蔡氏喪服譜

晉 蔡謨 撰

以二瓦器盛始死之祭繫於木裹以韋席置庭中近南名爲重今之凶門是其遺象也禮記旣虞而作主今未葬未有主故以重當之禮稱爲主道此其義也

晉書禮志中 杜佑通典 卷七十九又卷八十四

劉氏問時人祠有板板爲用當主爲是神座之榜題謨答今代有祠板木乃始禮之奉廟也亦有題今板書名號亦是題主之意安昌公荀氏祠制神板皆正

長尺一寸博四寸五分厚五寸八分大書某祖考某封之神座夫人某氏之神座以下皆然書訖蠟油炙

令入理刮拭之

通典卷四十八

劉氏問曰非小宗及一家之嫡分張不注一處得立廟不答曰禮宗子在他國而庶子在家則祭先儒說曰有子孫在不可以乏先祖之祀也苟在他國雖是宗子猶不得立況非嫡長乎不乏祀者明宗子在他國不得廟祭故令庶子祭於家也

通典卷五十一

已葬時殯遭小功喪或婦遭大功喪可通諷曰古人

君命爵其臣在遠則遣使太公卽封齊五侯九伯實  
得征之卽王使召康公所命也至今詔使拜授亦當  
如此豈有疑乎易曰家有嚴君焉父母之謂今堦父  
命使拜其父女父遣女拜受此命卽是太公受命於  
召康公今人拜爵詔於使也而云未拜舅姑未爲成  
婦然則太公未拜周王亦非方伯乎不修婦禮是其  
失耳至於是婦與非自當以典禮爲正安得從彼所  
行假令太公不行臣禮王者使當不臣之乎謂拜堦  
之宗親與拜舅姑於禮無異

通典卷五十九

范昶問曰甲有庶兄乙爲人後甲妹景已許嫁而未  
出今乙亡如鄭元之意已許嫁便旁降親者景今應  
爲乙服小功本是周親今於禮可得嫁景不答曰按  
禮大功之末可以嫁子不言降服復有異也兄在大  
功嫁服小功之妹猶父在大功嫁小功之女也謂甲  
今嫁景與禮無違范難曰禮小功不稅降而小功則  
稅之又小功不易喪之練冠而長殯中殯之小功則  
變三年之葛又小功之末可以娶妻而下殯之小功  
則不可據此數事則明降服正服所施各異今子同

之其理何居答曰夫服有降有正此禮之常也若其所施必皆不同則常舉其一例無爲復說稅與娶也今而然者明其所施有同有異不可以一例舉故隨事而言也鄭君以爲下殤小功不可娶者本齋緦之親也按長殤大功亦齋緦親而禮言下殤不可以娶而不言長殤不可以嫁明殤降之服雖不可娶而可嫁也所以然者陽倡陰和男行女從和從者輕倡行者重二者不同故其制亦異也范又難曰禮舉輕以明重下殤猶不可娶言長殤大功何可以嫁知禮所



謂大功末者唯正服大功末耳答曰下殤不可娶妻者謂己身也吾言長殤可以嫁子者謂女父也身自行之於事爲重但施於子其理差輕然則下殤之不娶未足以明長殤之不嫁也

通典卷六十

解遂問曰庶子喪所生嫡母尚存不知制輕重答曰士之妾子服其母與凡人喪母同

通典卷九十四

答王濛問曰前母之黨應爲親不喪服但問尊卑長幼拜敬之禮也代多此事而所不同惠帝時尚書令滿武秋是曹彥真前母之兄而不爲內外之親如他

人吾昔以問江思悛悛以爲人不疑繼母之黨而疑前母者以不相及也繼祖母亦有不相及者而皆與其黨爲親何至前母而獨疑之吾謂此言是魏時長沙人王愬身在中國遇吳魏而絕更娶生昌昌父母亡後吳平間愬前妻久亡昌爲前母追服時人疑之武皇詔使朝臣通議安平獻王孚以爲禮與祖父母離隔未嘗相見者不追如獻王此議則前母之黨不應爲親也獻王所據是鄭氏之說吾謂鄭義爲失時卞仁劉叔龍議謂冒應服三年吾以卞劉議爲允

通典

卷九  
十五

問者曰乙是甲族兄子也二人之母則姊妹也以外  
親言之則是從母之子應服緦麻以同宗言之則六  
代之親知禮無服今甲亡乙應制不乙者庚元靖謨  
甲者庚仁也  
按禮記云同姓從宗合族屬異姓主名理際會先儒  
說曰異姓謂未嫁者也正其母與婦之名也禮記又  
云其夫屬乎父道者妻皆母道也今甲之父與乙於  
班爲族祖則其妻亦有祖母之名不復得而從母也  
凡親屬之名妻從其夫子從其母不得爲從母則子

亦不得爲從母之子也親名正服亦隨之謂乙應同  
六代之制不應服也難者曰禮所云異姓主名理際  
曾本是他人唯以來嫁爲親故尊卑親疎從其所適  
至於從母者骨肉之親小功之服也今以所適無服  
之親便從無服之制是爲以疎奪親也適他人者猶  
爲之服來適同宗而便絕之豈其理乎答曰禮大夫  
之娶皆有姪娣而大夫之子於庶母無服若論本親  
則此庶母亦是從母也今來爲父妾則廢從母之名  
而從庶母之稱絕小功之服而從無服之制此禮之

成典也推此而論知適他人者從其本親來適同宗  
則從其所適不得係本此所謂異姓主名理際會也

同上

小記生不及祖父母諸父昆弟而父稅喪子則不謨  
以爲大功猶稅況此三親情次於所生服亞於斬縗  
雖不相見或者音問時通而絕其稅服豈稱情乎夫  
言生不及者謂彼已沒己乃生耳豈是同時並存之  
名若鄭說不以生年爲主但不相見便爲不及則此  
祖父母卽復可生不及孫而父亦生不及子兒復生

不及弟也此之不辭亦已甚矣自古及今未有此言也鄭君見禮文有弟弟不得先兄生不知所以通其義故因而立此說非禮意也吾謂此直長一弟字耳書歷千載又遭暴秦錯謬非一王氏說云亡生之時祖父母已卒也諸父謂伯叔也昆弟者伯叔之子也此於情爲允又生不及之名亦得通然旣謂諸父爲伯叔而復稱伯叔之兄弟於文煩重又不說亡聞兄弟當旣與不於制亦闕未盡善也然猶賢乎鄭氏以同時並存爲生不及

通典卷九十八

蔡氏喪服譜



六經館補校

二五三卷八

甲父爲散騎侍郎在洛軍覆奔城皐病亡一子相隨  
殯葬如禮甲先與母弟避地江南聞喪行服三年而  
除道險未得奔墓而其弟成婚或謂服可除不宜以  
婚者諫以爲凶哀之制除則吉樂之事行矣且男女  
之會禮之所急故小功卒哭可以娶妻三年之喪吉  
祭而復寢魯文於祥月而納幣晉文未葬喪而納室  
春秋左氏傳曰婦養姑者也又曰娶元妃以奉粢盛  
由此言娶妻者所爲義大矣所奉事重矣又夫冠者  
加己之服耳非若婚娶有事親奉宗廟繼嗣之事而

冠有金石之樂婚則三日不舉金石之樂孰若不舉之戚加己之事孰若奉親之重今議其墓而計其冠斯何義也不亦乖乎

或疑甲省墓稽留者謨以爲奔墓者雖孝子同極之情然實無益之事非亡身之所也故禮奔喪不以夜行避危害也今中州喪亂道路險絕墓墳毀廢名家人士皆有之而無一人致身者蓋以路險體弱有危亡之憂非孝子之道故也而曾無譏責何至甲獨云不可乎且甲尋已致身非如不赴之人也豈兆平安



非如毀發之難也。又是時中母篤病，營藥而不可  
違，閔侍養，投身危險，必貽老母憂勤哉。昔鄭有尉止  
之亂，子西子產父死於朝，子西不倣而先赴，見議於  
典藉。子產成列而後出，見善於春秋。此經典之明義  
也。並同上

改葬斬綬禮言總者謂總親以上皆反服也。

通典卷一百二

或問改葬服總。今甲當遷葬而先有兄喪在殯，爲當  
何服？謨答亦應服總。禮三年之喪既練而遭總麻之  
喪，則服其服往哭之。凡喪相易以重易輕，至於此事

則以輕易重所以然者臨其喪故也卑者猶然況至

尊乎謂甲臨喪應服總麻同上

傳云不以兄弟之服服至尊者乃始喪正服耳同上

引蔡  
談

蔡氏喪服譜

八 姪嬭館補

二十三卷十

賀氏喪服譜一卷晉賀循撰循字彥先會稽山陰人其先慶普漢世傳禮世所謂慶氏學族高祖純博學有重名漢安帝時爲侍中避安帝父諱改爲賀氏循以陸機疏薦官至左光祿大夫開府儀同三司贈司空謚曰穆事蹟具晉書本傳所撰喪服譜隋唐志皆以一卷著目今佚杜佑通典引賀循宗義二節胎祭國一節服必以宗起例以圖表明均爲譜之佚文據以輯錄鄭元蔡謨皆有喪服譜題賀氏以別之更輯循所撰喪服要記葬禮以次排比漢代禮宗之後徵

言古義必有所承受也歷城馬國翰竹吾甫

賀氏喪服譜

晉賀循撰

宗義

古者諸侯之別子及起於是邦爲大夫者皆有百代  
祀之謂之太祖太祖之代則爲大宗宗之本統故也  
其支子旁親非太祖之統謂之小宗小宗之道五代  
則遷當其爲宗宗中奉之加於常禮平居則每事諮  
告死亡則服之齋縗以義加也

杜佑通典  
卷七十三

奉宗加於常禮平居卽每事諮告凡告宗之例宗內

祭祀嫁女娶妻死亡子生行來改易名字皆告若宗子時祭則宗內男女畢會喪亦如之若宗內吉凶之事宗子亦皆率宗黨以赴役之若宗子時祭則告于同宗祭畢合族於宗子之家男子女子以班宗子爲男主宗婦爲女主故云宗子雖七十無無主婦以當合族紕宗故也凡所告子生宗子皆書于宗籍大宗無後則支子以貽穆後之後宗立則宗道存而諸義有主也立主義存而有一人不悖者則會宗而議其罰族不可以無統故立宗宗位既定則常尊歸之理

其親親者也是故義定於自然不移名存於政而不  
繼其人宗子之道也故爲宗子者雖在凡才猶當佐  
之佑之而奉以爲主雖有高明之屬盛德之親父兄  
之尊而不得干其任者所以全正統而一人之情也  
若姦回淫亂行出軌道有殄宗廢祀之罪者然後乃  
告諸宗廟而改立其次亦義之權也

同上

### 祫祭圖

太祖東嚮昭北行南嚮穆南行北嚮

通典卷九十四

賀氏喪服譜

二 婦嬖館補校

二十三卷十三

葬禮一卷晉賀循撰循有喪服譜喪服要記已各著錄隋唐志均無葬禮之目通典太平御覽引賀循要記外又引賀循葬禮蓋本二書要記擬儀禮喪服傳葬禮擬儀禮士喪禮也茲據輯錄通典引有省文止稱賀循者順序編次目棺斂明器遣奠下窆以及卒哭祔祭儀文略具節古禮之繁重簡而易行本傳載爲武康令俗多厚葬及有拘忌迴避歲月停喪不葬者循皆禁焉政教大行則以此爲訓俗之遺規可已歷城馬國翰竹吾甫



葬禮

晉 賀循 撰

飾棺衣以布元上纁下畫帷荒雲氣不爲龍斧帷易  
布以紺繪池以象承霜以竹爲籠如今車答輿以青  
絹代布紐元纁二其明器馮儿一酒二受六升漆  
屏風一三穀三器梗黍稷瓦唾壺一肺一篋以三牲  
一代苞牧所遺奠之俎爲藏物也屨一瓦樽一展一瓦杯盤杓杖一  
瓦燭盤一箸百副瓦奩一瓦甕一瓦香爐一釜二枕  
一瓦甕一手巾贈幣元三纁二博充幅長尺瓦鏹一

禭盥盤一

杜佑通典卷八十六

載柩於輜未明而行遷於祖廟者乃將告辭於先君也君自西階正柩於兩楹間北首納輜車於階下載之以適墓啓奠從設于西方質明滅燭更設遷奠如啓奠

同上 虞世南北堂書鈔卷九十二引將祖納輜車一句

祖奠竟厥明又大奠大奠者加於常一等士以少牢大夫太牢盛葬禮也是謂遣奠奠畢苞牲下體以爲藏飾大夫苞五士苞三逆行如墓初設遣奠士陳五鼎用少牢庶物備苞之以葬今雖不能備禮宜加於

常奠以盛送終也其以葬日晨而設之

通典卷八十六

喪車前後四引引十人合四十人十人一偃合四十人皆素服白帛偃手執練旛以部伍所主禁讙呼

嬉戲四偃一吏主之也

同上

大夫五旒吉韋車之所建也通而以下不爲龍畫

太平

御覽卷五百五十二

杠今之旛也古者以緇布爲之命以絳繒題姓字而

已不爲畫飾也

同上

至墓之位男子西向婦人東向先施幔屋於埏道北

南向柩車既至當坐而住遂下衣几及奠祭器畢柩  
卽壙中神位既窆乃下器壙中薦棺以席緣以紺緇  
植斂於牆左右扶棺如在道儀通典卷八十六

卒哭祭之明日以其班祔於祖廟各以昭穆之次各  
以牲牢所用卒哭今無廟其儀於客堂設亡者祖坐  
東向又爲亡者坐於北少退平明持饌具設及主人  
之節皆如卒哭儀先向祖座拜次向祔座拜訖西面  
南上伏哭主人進酌祖座祝曰曾孫某敢用潔牲嘉  
薦於曾祖某君以隣祔某君之孫某又酌亡者座祝

曰哀子某夙興夜處不寧敢用潔牲嘉薦耐事于皇  
祖某君適明祖某君尚饗皆起再拜伏哭盡哀復各  
再拜以次出妻妾婦女以次向神座再拜訖南向東  
上異等少遠哭盡哀各再拜還房遂徹之自耐之後  
唯朔月月半殷奠而已其饌如來時儀卽日徹之

卷八  
十七

賀氏喪服要記一卷晉賀循撰循有喪服譜已著錄  
鄭康成作喪服譜循亦作譜王肅作喪服要記循亦  
作要記其書似參川鄭王而酌其中隋志十卷唐志  
五卷今佚從禮記正義通典太平御覽所引輯錄史  
稱朝廷疑滯皆諮之於循循鞠依經禮而對爲當世  
儒宗觀庾蔚之謝徽於要記皆有注史冊言禮者多  
引之則當日皆奉爲圭臬矣隋志別載梁有喪服要  
六卷晉司空賀循撰隋代已亡存其目以識景企云  
爾歷城馬國翰竹吾甫

賀氏喪服要記

序

一 鄭康成補校

二十三卷十八

賀氏喪服要記

晉賀循撰

出居廬論稱杖者必廬廬者必禫此明杖章之內居廬必禫若別而言之則杖有不禫禫有不杖者案小記篇云宗子母在爲妻禫則其非宗子其餘適庶母在爲妻並不得禫也小記又云父在爲妻以杖卽位鄭元云庶子爲妻然父在爲妻猶有其杖則父沒母存有杖可知此是杖有不禫者也小記篇云庶子在父之室則其爲母不禫若其不杖則喪服不杖之條

應有庶子為母不杖之文今無其文則猶杖可知也

前文云三年而后葬者但有練祥而無禫是有杖無

禫此二條是杖而不禫禮記喪服小記孔穎達正義

婦人尊微不奪正服並厭其餘哀同上

小記云久而不葬者唯主喪者不除案服問曰君所

主夫人妻太子適婦故謂此在不除之例同上引虞云謂皆主

要記案服問云云

小記云與諸侯為兄弟者服斬鄭注謂卿大夫以下

也與尊者為親不敢以輕服服之言諸侯者明雖在



異國猶來為三年也案下經記云外宗為君大夫如

內宗注云謂嫁於國中者此云異國二注不同按男

子及婦人皆謂在國內者譙周亦以為然同上引賈

注不同故著要記云云經注據補在亡國則得為君服斬夫人齊衰

若在他國則不得也禮記雜記下正義引賈從譙周

婦人不杖謂出嫁之婦人不為主則不杖世不為主

而杖者唯姑在為夫杖故此記特明之禮記喪服小記正義引賈

等循

慈母之子不服慈母之黨婦又不從夫而服慈姑小

功服無從故也

南史儒林司馬筠傳周捨議引賀彥先

公子之二宗皆一代而已庶兄弟既亡之後各爲一

宗之祖也嫡繼其正統者各自爲大宗乃成百代不

遷之宗也

杜佑通典卷七十三

凡諸侯之嗣子繼代爲君君之羣弟不敢宗君君命

其母弟爲宗諸弟宗之亦謂之大宗死則爲齊續九

月若無母弟則命庶弟之大者爲宗諸弟宗之亦如

母弟則爲之大功九月此二宗者一代而已庶兄弟

既死之後各爲一宗之祖

同上

公之庶兄弟父卒爲其母大夫之庶子父在爲母皆大功九月凡降服既降心喪如常又天子諸侯庶妾子爲其母厭於父不得制緦廕之服三月而葬葬已而服居處飲食言語心喪三年

通典卷八十一

諸侯女以爲天子后以尊還降其族人

同上

天子諸侯五屬之內雖不服職爲臣皆服斬緦爲夫

人則齋緦周

同上江表引賀公記

雖不立位在嫡正父之所繼己之所承故爲三年

通典

卷八十二侍中

孔注引賀循

母爲長子齋綏三年其服節如父爲子者

通典卷八十七魏顓

引要記

庶子父雖沒猶不爲長子三年以亡不繼祖也

通典卷八

十八

按小記爲祖母後者服之如母不爲祖父母後者不

得爲祖母三年

通典卷八十九

父在爲母厭尊故屈而從周出母服不減者以本旣降義無再厭故也父在爲母旣已杖矣若父在母出宜重降者則宜不杖條今在杖條明不再降杖者不

居廬居廬必禫同上

老疾三諫去者爲舊君服齋縗通典卷九十引王肅賀循又引云王賀要

託

按鄭注喪服云凡妻從夫降一等夫合三月則妻宜無服而猶三月者古者大夫不外娶其妻則本國之女也雖後夫而出婦人歸宗往來故從人服也長子有服謂未去者也循以爲以道去君非罪之重其子尚可以留值君薨則服也通典卷九十

庶母士父之妾也服總麻大夫以上無服按馬融引

喪服云大夫以上庶母無服

通典卷九十二

爲乳母總三月士與大夫皆同不以尊卑降功服也

也

同上

大夫妻其婦如其夫爲士服亦降一等

通典卷九十三

諸侯於其旁親一無所服唯父母妻長子長子之妻及爲父之後者姑姊妹嫁於諸侯及始封之君所未臣諸父昆弟皆以其服服之大夫爲其外親爲士者尊雖不同亦不降大夫女爲國夫人唯父母及昆弟爲父後者不降士女爲大夫妻者不降高祖曾祖祖

父母兄弟爲父後者及太宗而已

同上

庶子服出母父在服齋縗周父沒不服

通典卷九十四殷仲堪引

王賀首句  
據殷補

庶子爲人後爲其母總麻三月庶子之妻自如常禮

尊所不降也自天子通於大夫皆然

通典卷九十五

其夫爲祖曾祖高祖後者妻從服如舅齋縗周也

通典

卷九十六

出母出當以捨此適彼不獨在嫁

同上孔德澤引

父之喪服未竟又遭母喪當父服應竟之月皆服祥

祭之服如除喪之禮卒事反母之喪服也

通典卷九十七

父未殯而祖亡承嫡猶周此不忍變父在也故自用父在服母之禮靈寢不得終三年也

父死未殯而祖父死祖以周既殯而祖父死三年此謂嫡子爲父後者也父未殯服祖以周者父屍尚在人子之義未可以代重也

雖有父母之喪皆爲周大功之服祥除各服其降喪之服如常除之節小功已下則不除轉輕也降而爲小功則除之



生於他方不及見祖父母諸父昆弟若聞喪之日月已過不爲稅服以未嘗相見恩情輕也若日月未過服之如常

並同上

小功不稅者謂喪月都竟乃聞喪者耳若在服內則

自全五月

通典卷九十八

周則沒聞

通典卷一百王儉議引鄭射王賀

如朋友之禮異者雖出行猶絰所以尊師也按禮記夫子之喪門人疑所服子貢曰昔夫子喪顏回若喪子而無服請喪夫子若喪父而無服於是門人廬于

墓所心喪三年蓋師徒之恩重也無服者謂無正喪

之服也孔子之喪二三子皆經而出注曰為師也然

則凡弔服加麻者出則變服矣通典卷一百一

改葬服鄭元云三月者以親視屍柩故三月以序其

餘懷但遲速不可限故不在三月章也通典卷一百二賀循答傅

純引鄭元說以為鄭得從重故要記從之據補

始弔朝服元端之服也皮弁經素弁而加環經也始

死而往朝服者主人未變賓未可以變也太平御覽卷五百六

古之弔者皆因朝夕哭而入弔賓至主人卽出中門  
外西面北上拜賓入門卽位於堂下阼階西面賓入  
卽位皆哭哭止主人拜之

大夫助於大夫始死而往朝服禭衰如吉時也當斂  
之時而至則弁經服皮弁之服以襲衰也主人成服  
而往則皮弁經而加錫衰也大夫於士有朋友之恩  
乃得弁經

並同上

喪服要記注一卷訓徽撰徽不詳何人注賀循喪服  
要記隋志不載新舊唐書志皆五卷今佚杜佑通典  
引之據輯注博引經傳並卽賀與人答問之語反覆  
推究亦留心典故者矣歷城馬國翰竹吾甫

喪服要記注

謝徽撰

公子之二宗皆一代而已庶兄弟既亡之後各爲一宗之祖也

母弟與妾子則貴於嗣子則賤與妾子同爲庶故也既死之後皆成一宗之始祖卽上所謂別子爲

祖也

杜佑通典卷七十三

嫡繼其正統者各自爲大宗乃成百世不遷之宗也賀公答庾元規云雖非諸侯別子始起是邦而爲

喪服要記注

大夫者其後繼之亦成百代不遷之宗鄭元亦云太祖謂別子始爵者也雖非別子始爵者亦然愚謂是起是邦始受爵者又問別子有十人一族之中可有十大宗乎然賀咎傳純云別子爲祖不限前後此爲每公之子皆別也

凡諸侯之嗣子繼代爲君君之羣弟不敢宗君君命其母弟爲宗諸弟宗之亦爲大宗則爲齋綴九月母弟雖貴諸弟亦不敢服旣爲宗主則齋綴九月其母小君也其妻齋綴三月如大宗也以母弟之

貴故也

若無母弟則命庶弟之大者爲宗諸弟宗之亦如母弟則爲之大功九月

此大傳之小宗也其母妻則無服女公子服宗亦與男同

此二宗者一代而已

此二宗亦不得並故大傳曰有大宗而無小宗者有小宗而無大宗者公子之謂也

並同上

葛氏喪服變除一卷晉葛洪撰洪字稚川丹陽句容人咸和中官諮議參軍干寶薦洪才堪國史選散騎常侍領大著作辭不就求爲勾漏令事蹟詳晉書本傳此書隋書經籍志載一卷今佚陸德明儀禮釋文引一事杜佑通典引二節而已其說廬棺制度甚詳蓋洪以博淹擅名典午引述古法必有依據也歷城馬國翰竹吾甫

葛氏喪服變除

序

一  
知媛館補校



葛氏喪服變除

晉 葛洪 撰

喪服斬衰裳直經杖絞帶冠繩纓菅屨者傳曰斬者  
不緝也直經者麻之有質者也直經大攝左本在下  
去五分一以爲帶齊衰之經斬衰之帶也去五分一  
以爲帶大功之經齊衰之帶也去五分一以爲帶小  
功之經大功之帶也去五分一以爲帶總麻之經小  
功之帶也去五分一以爲帶直杖竹也削杖桐也杖  
各齊其心皆下本杖者何爵也無爵而杖者何擔主

也非主而杖者何輔病也童子何以不杖不能病也  
婦人何以不杖亦不能病也紵帶者繩帶也冠繩纓  
條屬右縫冠六升外畢鍛而勿灰衰三升菅屨者菅  
菲也外納居倚廬寢苦枕塊哭晝夜無時歆粥朝一  
溢米夕一溢米寢不說經帶既虞翦屏柱楣寢有席  
葛洪曰滿手曰溢陸德明經疏釋文儀禮音義引王肅劉達袁宏孔倫葛洪案此及下  
柱楣翦屏蓋釋喪服經傳之義故備載經傳文  
子爲父既葬草履內納廬則柱楣剪屏屏者廬前屏  
也其廬所爲之屏也而更作外朝以爲之作廬先橫

一木長橫著地因立細木於上以曲就東墻以草被之既葬則剪去此草之拍地以短柱柱起此橫梁之著地謂之柱楣楣一名梁既舉此梁乃得於廬外作郭但下用泥之諸侯始作廬者便有屏而未泥之既葬乃泥之既柱起梁又立小郭以避風凶事轉輕杜通典卷八十七小祥中衣黃爲裏練爲領袖緣練者紅之多黃者也

上同

凶禮一卷晉孔衍撰衍字元舒魯國人孔子二十一  
世孫官至廣陵相晉書有傳隋志載其撰凶禮一卷  
唐志不著錄佚已久杜佑通典引宗廟藏主室議乖  
離論禁招魂葬論凡三篇皆言喪葬事凶禮之遺文  
也據而錄之史稱衍博覽過於賀循此足補要記之  
所未逮已歷城馬國翰竹書甫

凶禮

晉 孔衍 撰

室廟藏主室論

尚書符問太常賀循太廟制度南向七室北向陰室  
復有七帝共處七室垺中當別處陰室循上曰謹按  
后配尊於帝神主所居同太室循又按漢儀藏主於  
室中西牆壁垺中去地六尺一寸當祠則設座於垺  
中禮天子達嚮者牖也謂夾戶之窗古者帝各異廟  
今者共室別室制度不同疑室戶亦異又按古禮神

凶禮

一

一 鄭媛館補校

主皆盛以石函餘薦藉太常華恒被符宗廟宜時有  
定處恒按前議以爲七代制之正也若兄弟旁及禮  
之變也則宜爲神主立室不宜以室限神主今有七  
室而神主有十宜當別立臣爲聖朝已從漢制今聖  
上繼武帝廟之昭穆四代而已前太常置廟並以爲  
惠懷愍三帝別立寢廟臣以爲廟當以容主爲限亦  
無常數據殷祭六廟而有三祖三宗不毀又漢之二  
祖寢廟各異明功德之君自當特立若繫之七室則  
殷之末代當祭禘而已准之前議知以七正不限之

七室故雖有兄弟旁及至禘祫不越昭穆則章和頴  
川宜全七代之禮按周官有先公先王之廟今宜爲  
京兆以上別立三室於太廟西廂宣皇帝得正始祖  
之位惠懷二帝不替而昭穆不闕於禮爲安孔衍曰  
別廟有非正之嫌似若降替不可行也

和伯通典  
卷四十八

### 乖離論

聖人制禮以爲經常之教宜備有其文以辨彰其義  
卽今代父子乖離不知自處之宜情至者哀過於有  
凶情薄者習於無別此人倫大事禮所宜明謂莫測

存亡則名不定名不定不可爲制孝子憂危在心念  
至則然矣自然之情必有降殺故五服之章以周月  
爲節況不聞凶何得過之雖終身不知存亡無緣更  
重於三年之喪也故聖人不別爲其制也

通典卷九十八

### 禁招魂葬論

時有沒在寇賊失亡屍喪皆招魂而葬吾以爲出於  
鄙陋之心委巷之禮非聖人之制而爲愚淺所安遂  
行於時王者所宜禁也何則聖人制殯葬之意本以  
藏形而已不以安魂爲事故旣葬之日迎神而返不



忍一日離也況乃招其魂而葬之反於人情而失其  
理虛造此事以亂聖典宜可禁也李瑋宜招魂葬論  
難衍引禮祖祭是送神也既葬三日又祭於墓中有  
靈座几筵飲燕之物非唯徽形也引用周武尚祭于里  
季子復命于墓成公夢康叔相奪余鬻既葬迎神而  
返博求神之道孝子未忍離其親耳且宗廟是烝嘗  
之常宇非爲先靈常止此廟也猶園上是郊祀之處  
非爲天神常居此上也詩曰祖考來格知自外至也  
又曰神保聿歸歸其幽冥也卜宅安厝亦安神也伯

姬父死而叔弓如宋葬恭姬皆其證也宋王先賢光武明主伏恭范逵並通義理公主亦招魂葬豈皆委巷乎孔衍答曰祭必立壇不可謂神必墓中也若神必墓中則成周雒邑之廟皆虛設也又帝丘及詩來格聿歸皆所以明魂無不從耳旣葬三日祭墓亦猶飯哈不忍其虛耳恭姬之焚以明窮而彌正不必灰燼也就復灰燼骨肉雖灰灰則實何緣舍埋灰之質而反當葬魂乎此皆宋代失禮之舉非合聖人之質

集注喪服經傳一卷宋裴松之撰松之字士期河東人宋太中大夫西鄉侯見陸德明經典釋文叙錄此書隋志一卷唐志不著錄佚已久杜佑通典引裴松之二節一爲答宋江氏問一爲答何承天書皆言喪服其答江氏問下有荀伯子難裴一節又有何承天通裴難荀一節與答何書並載入何承天禮論而答江氏大功嫁娶引伸變除之義引宗濤說與書稱集注合故別輯入喪服經傳大功章注備一家說云歷城馬國翰竹吾甫

集注喪服經傳

序

鄭媛館補校

二十三卷三十六

集注喪服經傳

宋 裴松之 撰

大功布衰裳牡麻經纓布帶三月受以小功衰卽葛九月者傳曰大功布九升小功布十一升

從父昆弟爲人後者爲其昆弟

女子子適人者爲衆昆弟

江氏問曰從兄女先尅此六月與庾長史弟婚其姊蔡氏去三月亡其葬送以卑從兄無嗣兄子簡爲後今與從妹同服大功大功末可以嫁子不知

無父而兄有大功服可復嫁妹不答曰意謂父有大功尙可嫁于兄在大功理無不可今所未了者未知女身大功亦可得嫁不文降而在大功得與本服九月者同不見宗藩答范超伯問娶婦與嫁于輕重有一等之差已身小功可以娶妻女身大功何爲不可以嫁謂此言爲是但其論降在大功者如爲不盡吾以爲娉納禮重故探其本情適人差輕故以見服爲斷禮無降在大功不可嫁于之文不應於外生疑且有下焉小功之喪過五月無

可以娶降在九月者過三月而後嫁計其日月亦  
一等之謂也

杜佑通典  
卷六十

略注喪服經傳一卷宋雷次宗撰陸德明經典釋文  
序錄云次宗字仲倫豫章人宋徵通直郎不起隱書  
經籍志於此注下題宋通直郎而別集類題宋徵士  
必五考乃明其出處也隋志載此注一卷新舊唐書  
志俱不著錄佚已久賈公彥疏杜佑通典引之茲據  
輯錄注於經傳書法以及名義極多發明文筆亦雋  
逸釋慧皎高僧傳云慧造講喪服經雷次宗宗炳等  
並執卷承旨次宗後別著義疏首稱雷氏宗炳因寄  
書嘲之曰昔與足下共於釋和尚間而受此義今便

卷首稱雷氏乎若然則次宗此注適類郭象注莊全  
襲向秀而遺法師以象教之徒能研窮平儒經之義  
不涉元虛力扶微奧宜乎名高連社而爲淵明所欽  
企也歷城馬國翰竹吾甫



略解喪服經傳

宋 雷次宗 撰

喪服斬衰裳苴經杖絞帶冠繩纓菅屨者

苴經大搗

搗搯不言寸數則各從其人大小爲搯

賈公彥疏

婦人何以不杖亦不能病也

此喪服妻爲夫妾爲君女子子在室爲父女子子  
嫁及在父之室爲父三年如傳所云婦人者皆不  
杖喪服小記婦人不爲主而杖者唯著此一條明

其餘不爲主者皆不杖

同上

絞帶者繩帶也

絞帶在要經之下

同上

父爲長子傳曰何以三年也正體於上又乃將所傳重也庶子不得爲長子三年不繼祖也

父子一體也而長嫡獨正故曰體旣爲正體又將傳重兼有三義乃加其服自非親正兼之情體俱

盡豈可凌天地混尊親也

杜佑通典卷八十八

爲人後者傳曰何以三年也受重者必以尊服服之

言爲人後者文似不足下章有爲人後者爲其父  
母當言爲人後者爲所後之父今闕此五字者以  
所後者或爲祖父或爲高曾繁文不可備設言一  
以苞二則凡諸所後皆備於其中也同上  
妻爲夫傳曰夫至尊也

言妻以明其齊所以得稱夫也同上

妾爲君傳曰君至尊也

言妾以見其接所以乃稱君也同上

女子子在室爲父布總箭笄髻衰三年

縗者當心六寸布也在衣則衣為縗在裳則裳為

縗男子離其縗裳故縗獨在衣上婦人同為一服

故上下共稱也

通典卷八十七

服者木為至情故在女子

之下為文也

賈公彥疏

子嫁反在父之室為父三年

不言女子子上女子也復言子者欲見其外義以

盡子道復宏也

通典卷八十八

疏衰裳齊牡麻經冠布緇削杖布帶疏屨三年者

母為長子傳曰何以三年也父之所不降母亦不敢

降也

父之重長以居正嫡之肩當爲先祖之主故也母亦以此義而加崇焉夫父之服長以其仰述祖廟堂構斯荷母亦以其承夫嗣業三從是寄父尙不以大夫之嚴降祖廟之主母亦安敢以婦人之尊降所天之嫡故曰父之所不降母亦不敢降以又況母明父猶居體母宜無嫌如舊說妻從服則當云夫所以不降妻亦不敢降今言父母者豈非自

子而言也

通典卷八十九

疏衰裳齊牡麻經冠布纓削杖布帶疏屨期者

妻傳曰爲妻何以期也妻至親也

不直云至親而言妻者明其爲齊體判合之親以

別至極之稱而言

通典卷八十九

妻卑以擬同於母故問

深於常也

賈公彥疏

出妻之子爲母

不直言爲出母嫌妾子及前妻之子爲之服子無

出母之義故繼夫而言

通典卷八十九

父卒繼母嫁從爲之服報傳曰何以期也貴終也

凡言報者繼母服亦如此

同上

不杖麻屨者

世父母叔父母傳曰世父叔父何以期也與尊者一體也

非父之所尊嫌服重故問也不直云何以言世父叔父者以經總言而傳確釋故二文欲別問也

賈公彥疏

世母叔母何以亦期也以名服也

不見姑者欲見時早出之義

上

昆弟

經於伯叔下無姑文於昆弟下無姊妹文於衆子

下無女子子文者以未成人則殤已成人則當出

故不見於此

通典卷九十

爲衆子

欲見出當及時又大功章見姑姊妹女子子妹大

功明此在室可知故畧之也

賈公彥疏

爲人後者爲其父母報傳曰何以期也不貳斬也

據無所厭屈則周爲輕報者明子於彼則名判於



此故推之於無尊遠之以報服女雖受族於人猶

在父子之名故得加尊而降之

通典卷九十

姑姊妹女子子適人無主者姑姊妹報傳曰無主者  
謂其無祭主者也何以期也爲其無祭主故也

按禮弓曰姑姊妹之薄也蓋有受我而厚之者今  
無祭主者是無子無夫則無受我而厚之者也既  
無受我之厚則我不得降其本情故哀發於無主  
而服於天倫也今之不降既緣亡者之衆獨又因  
報身之無屈二途俱伸彼此兼達故父母兄弟在

室姊妹咸得反服也准出適者自以義結他族事  
殺本宗受我之厚奪己亦深至乃愛敬兼極者猶  
抑斬以爲周況餘人乎雖則家庭莫主兄弟絕嗣  
無後之痛路人所悲而深心徒結至服無反艮由  
旣曰外志成事無兩降故也降由己身之出不計  
前人應降與不應也所謂反服者反於昆弟伯叔  
耳若無主服周昆弟大功則是過於昆弟也豈所  
謂反服哉問者曰女子之出適者不得爲無主服  
周斯則然矣敢問兩無主得交相反服不答曰經

云姑姊妹報明反服不由己身人今哀已不可無  
報若兩俱無主義無先服則無服安得交相爲周  
同  
上

妾爲女君傳曰何以期也妾之事女君與婦之事舅  
姑等

今抑妾同婦尊女君使同姑女君於妾不得同姑  
之降婦不降則應報所以不報者欲伸聖人抑妾  
之旨若復報之則並后之誠意無所徵故報之則  
違抑妾之義降之則有舅姑之嫌故使都無服無

重嫌之責

同上

公妾大夫之妾爲其子

嫌二妾從於君尊以降其子故明之所嫌者尊故

降不言士妾也

同上

傳曰何以期也妾不得體君爲其子得遂也

夫人與君同體以尊降其子也公子與君同體以

厭其親也妾無夫人之尊故不降其子無公子之

厭故得遂其親也而事鄰於體君跡幾於不遂故

每以不體得遂爲言也

同上

姑姊妹女子子無主者爲太夫命婦者唯子不報

以報之爲言二服如一父母爲女子適人無主者

周女子子適人亦爲父母周與報相亂故經別其

非報也

同上

公妾以及士妾爲其父母傳曰何以期也妾不得與  
君得爲其父母遂也

今明妾以卑賤不得體君厭所不及故得爲父母

遂也

同上

疏衰裳齊牡麻經無受者

丈夫婦人爲宗子宗子之母妻傳曰何以服齊衰六月也尊祖也尊祖故敬宗敬宗者尊祖之義也

言尊祖故敬宗者明祖已歿也無所施於尊因敬

宗以致尊祖之心

同上

爲舊君君之母妻傳曰爲舊君者孰謂也仕焉而已者也何以服齊衰三月也言與民同也君之母妻則小君也

身既反昔服亦同人蓋謙遠之情居身之道也然

恩紀內結實異餘人故爰及母妻也

同上

舊君傳曰大夫爲舊君何以服齊衰三月也大夫去君掃其宗廟故服齊衰三月也言與民同也何大夫之謂乎言其以道去君而猶未絕也

經前已有爲舊君今復有此舊君傳所以知前經是仕焉也仕焉而退君臣道足恩義旣施恩及母妻今被放而去名義盡矣若君不能掃其宗廟則不爲戎首而已以其猶復未絕故得同於人庶適足以反服於君不獲及其親也

同上

大功布衰裳牡麻經纓布帶三月受以小功衰卽葛

九月者

姪丈夫婦人報傳曰姪者何也謂吾姑者吾謂之姪  
夫謂吾姑者吾謂之姪此名獨發姑發姑與伯叔  
於昆弟之子其名宜同然以女子有行事殊伯叔  
故獨制姪名而字偏從女如舅與從母爲親不異  
而言謂吾舅者吾謂之甥亦猶自舅而制也名發  
於舅字亦從舅故姪字有女明不及伯叔甥字有  
男見不及從母是以周服篇無姪字小功篇無甥  
名也

通典卷

六十八



公之庶昆弟大夫之庶子爲母妻昆弟傳曰何以大功也先君餘尊之所厭不得過大功也

公羊傳曰國君以國爲體是以其人雖亡其國猶存故許有餘尊以厭降之

通典卷九十一

小功布衰裳澡麻帶絰五月者

爲庶孫丈夫婦人之長殤

前大功章爲姪已言丈夫婦人今此自指庶孫言

不在姪

通典卷九十二

從母丈夫婦人報傳曰何以小功也以名加也外服

之服皆總也

夫二親恩等而中表服異君子類族辨物本以姓  
分爲判故外親之服不過於總於義雖當求情未  
懼苟微以小功也舅情同二人而名理闕無因故  
有心而不獲遂也然情不止於總亦以見於慈母  
矣至於餘人雖有尊名而不得加者服當其義情  
無不足也

同上

君子子爲庶母慈己者傳曰君子子者貴人之子也  
爲庶母何以小功也以慈己加也

大夫不服凡妾婦所不服子亦不敢服安得爲庶  
母總哉大夫雖總姪嫡今所服者將姪嫡之庶母

同上

總庶三月者

士爲庶母傳曰何以總也以名服也大夫以上爲庶  
母無服

爲五服之凡不稱其人者皆士也若有天子諸侯  
下及庶人則指其稱位未有言士爲者此獨言士  
何乎蓋大夫以上庶母無服庶人無妾則無庶母

略注喪服經傳

十 嫡嬖館補校

爲庶母唯士而已故詭常例以著唯獨一人也

同上

袁愍問曰喪服大夫爲貴臣貴妾總何以使爲庶  
母無服又按檀弓云悼公之母死哀公爲之齋緘  
有若曰諸侯爲妾齋緘禮歟鄭注云妾之貴者爲  
之總耳左傳云晉少姜卒明年正月旣葬齊使晏  
平仲請緇室叔向對曰寡君以在緘經之中按此  
諸侯爲妾便有服也次宗答曰大夫爲貴妾總按  
注貴妾姪婦也夫姪婦實貴而大夫尊輕故不得  
不服至於餘妾出自凡庶故不服也又天子諸侯

一降旁親豈容廢妾更爲服也鄭注喪服無服是也又注檀弓哀公爲悼公母齊縗云妾之貴爲之縗耳此注謂諸侯爲貴妾縗既與所注喪服相連且諸侯庶子母卒無服皆以父所不服亦不敢服未喻檀弓注云何以服言諸侯爲貴妾縗耶左傳所言云少姜之卒有縗經之言者是春秋之時諸侯淫侈至於甚者乃爲縗經此蓋當時之弊事非周公之明典也

同上

公子爲其母練冠麻屨衣縗緣

今不以十一升布為冠恐入正服也而得用練雖

重以在周外非服正服故可著亦名為本重也通典

卷九  
十三

朋友麻

學生事師雖無服有父兄之恩故稱弟子也土相

賈公彥疏案雷氏唯注喪服不聞有儀禮全注賈

疏所引言師翁者亦云無服以鄭注引檀弓曰羣

居則經出則否彼注羣謂七十弟子此

說弟子當伸鄭義而文不具故繫於此

喪服難問一卷宋崔凱撰凱不詳何人隋志載此書  
六卷於宋員外散騎庾蔚之張耀下當後於庾通典  
引或作宋凱當是宋崔凱偶脫崔字以此定爲劉宋  
時人唐志不著錄佚已久從通典所引輯十七節或  
作喪服駁或作喪儀或作喪服儀節或僅題崔凱要  
是一書佚文不同者當是篇目也並依所引附著其  
書委曲發明與劉智釋疑相伯仲云歷城馬國翰竹  
吾甫

喪服難問

宋 崔凱 撰

魏時或爲四孤論曰：遇兵飢饉，有賣子者，有棄溝壑者，有生而父母亡，無總親其死，必也有俗人以五月生子，妨忌之不舉者，有家無兒，收養教訓成人，或語汝非此家兒，禮異姓不爲後，於是便欲還本姓爲可。然不博士田瓊議曰：雖異姓不相爲後，禮也。家語曰：絕嗣而後，他人於禮爲非。今此四孤，非故廢其家祀，旣是必死之人，他人收以養活，且襲奴長養於裏，便



稱哀嬖姓無常也其家若絕嗣可四時祀之於門戶  
外有子可以爲後所謂神不歆非類也大理王昶議  
曰收捐拾棄不避寒暑且救垂絕之氣而肉必死之  
骨可謂仁過天地恩踰父母者也吾以爲田議是矣  
徐幹曰祭所生父母於門外不如左右邊特爲立宮  
室別祭也王修議曰當須分別此兒有識未有識耳  
有識以往自知所生雖創更生之命受養育之慈枯  
骨復肉亡魂更存當以生活之恩報公姬不得出所  
生而背恩情報生以死報施以力古之道也軍謀史

于達叔議曰此四孤者非其父母不生非遇公嫗不  
濟既生既育由於二家棄木背恩實未之可予者父  
母之遺體乳哺成人公嫗之厚恩也棄絕天性之道  
而戴他族不爲逆乎鄭伯惡姜氏誓而絕之君子以  
爲不孝及其復爲母子傳以爲善今宜謂子竭其筋  
力報於公嫗育養之澤若終爲報父在爲母之服別  
立宮宇而祭之畢己之年也詩云父兮生我母兮鞠  
我今四子服報如母不亦宜乎愛敬哀戚報惠備矣

崔凱曰宜服齋纓周方之繼父同居者

杜佑通典卷六十九引崔

喪服難問



二鄭媛館補校

二十三卷五十三

凱喪  
服駁

銘旌今之旌也天子丈二尺皆施跗樹於壙中造車  
九乘謂結草爲馬以泥爲車疏布輶四面有障置壙  
四角以載遺奠牢肉斬取骨歷車各載一枚通典卷

引崔凱  
喪議

禮君自弔其臣主人出迎于外見君馬首不哭先入  
門右北面衆主人袒卽位升自阼階西面主人前至  
中庭君哭主人哭拜稽顙成踊先出君去主人哭拜  
送于外門外明日主人綴經拜謝于朝今代人君弔

主人出迎見馬首拜君遣吏弔主人布席於喪庭孝子左貫首經待於席南北面不哭也吏持板弔於席北面向孝子再拜訖伏吏跪讀板孝子再拜有弔賓主人迎卽位中門外西面北上衆賓東面者北上門西北面者東上主人拜賓旁三拜衆賓不答拜主人入卽堂下朝夕哭位衆隨入如外位也知生者弔知死者傷主人哭弔者皆哭退出主人拜中門外如初弔辭至主人前曰聞君有某之喪如何不淑傷辭詣喪前曰子遭離之如何不淑此各主於其所知也若

有知生又知死者傷而上弔也

通典卷八十  
三引崔凱

同僚賓客相弔也因主人朝夕哭而往弔也

凡賓客來弔孝

凡言孝者  
即喪主也

皆當位東階下西面不得

廬中長吏自弔其人左貫首經出迎還入門君至門

謝孝還位乃從命還位若不謝遣者君向柩哭則孝

當伏孝當後哭先止所以不使君甚哀也哭訖君遣

還位乃從命還位則哭不得入廬也哭位在東階下

辭去孝子哭也君先出孝後出於門外見馬而拜訖

哭而還也若有命止令勿出亦便隨從也羸可使人

自扶若病不能者君至自杖而已

並同上

有不弔者三謂畏壓溺死也欲弔不變服哭之已

同上

引崔凱  
服訖

鑿木爲重形如札有簣設於中庭近南以懸之上重高三尺差而上之天子當九尺矣兩以葦席南向橫覆之辟屈而端於南而以蔑之今喪家帳門其遺象也古者喪家無幕蓋是倚廬棟耳今人倚廬於喪側因是爲帳焉按蔡謨說以二瓦器盛始死之祭繫於木裹以葦席置庭中近南名爲重今之凶門是其遺

喪服難問



四知縣館補校  
二十三卷五十五

象也禮既虞而作主未葬未有主故以重當之禮稱  
爲主道此其義也范堅又曰凶門非禮禮有懸重形  
似凶門後人出門外以表喪俗遂行之簿帳弔祭之  
類也

通典卷八十四

禮孝子始有親喪悲哀至甚充充如有窮未可以節  
哭踊無數三日既殯瞿瞿如有求而不得賓客及祭  
事皆三踊君來弔則九踊躍皆有儻相詔導之者童  
子始有親喪去首飾首飾卷幘綰頭之屬也服十五升白  
布深以至成服女子許嫁成人在室父卒爲母始

死去首飾而骨笄纚不徒跣不扱上衽不踊哭捫心  
無數素總髮以麻母爲長子繼母爲長子妾爲君之  
長子與在室女子子父卒爲同母伯叔父母爲女子  
長中殤始死骨笄纚同上

朝於祖廟一宿明日再柩將至墓柩將還南向少牢  
之奠於車西名曰用薦遣奠何饗大夫以上太牢其  
祝辭曰哀子某敢用潔牲剛鬣用遣此遣奠者也通典

卷八  
十六

子爲父三月而葬將啓出棺皆纚散垂帶旣啓袒哭



踊無數日中虞絕無時之哭矣

通典卷八十七

耐祭於祖廟祭於祖父以令亡者耐祀之也以卒哭明日其辭曰哀子某敢用潔牲剛蠶普淖普薦醴酒用薦耐事適爾皇祖某甫以隣耐女子耐於祖姑此皆於今亡者爲祖姑也今代皆無廟堂於客堂設其祖座東面今亡者在其北亦東面而共此饌也若祖父母生存無亡祖可耐者當中一以上耐高祖父母姑也

通典卷八十七

小辭辭者吉也故綴裳無奠版及心前綴辟領去首

經小祥祭則櫛稍自飾

同上引作采  
凱脫崔字

祥居外寢平常所聽外寢事也縞冠素紕紕者以素

緣冠兩邊各三寸

通典卷  
八十七

時人或有祖父亡而後已母亡孫奉養祖母祖母卒

則爲齋縗三年者凱以爲祖母三年自謂亡父母早

亡受重於祖故爲祖斬縗三年祖母齋縗三年今亡

父後亡則受重於父不受重於祖孫雖奉養祖母固

自當如禮齋縗同耳

通典卷  
八十九

父卒繼母嫁從爲之服報鄭元曰常爲母子貴終其

喪服難問

六鄭媛館補校

二十三卷五十七

恩也按王肅云若不隨則不服凱以爲出妻之子爲母及父卒繼母繼從爲之服報此皆爲庶子耳爲父後者皆不服也傳者與尊者爲體不敢服其私親此不獨爲出母言爲繼母發繼母嫁亡隨則爲之服則是私也爲父後者亦不敢服也鄭元曰常爲母子貴終其恩不別嫡庶王肅云隨嫁乃爲之服此二議時人惑焉凱以爲齋祫三年章繼母如母則當終始與母同不得隨嫁乃服不隨則不服如此者則成如母爲父後者則不服庶子皆服也

代人或有出後大宗者還爲其祖父母周與女子于  
出適不降其祖同義凱以爲女子出適人有歸宗之  
義故上不降祖下不降昆弟之爲父後者今出後大  
宗大宗尊之統收族者也故族人尊之百代不遷其  
父母報之周所謂尊祖敬宗也

又曰持重於大宗降其小宗降其小宗還當爲其祖  
父母大功耳又云代人有出爲大宗後還爲其父母  
周其子從服大功者凱以爲經文爲人後者爲其父  
母周爲其兄弟降一等此指爲後者身也不及其子

則當以其父所後之家還計其親疎爲服紀耳通典卷九

六十

新紵既練而遭大功之喪則著大功之冠及麻麻謂男子首經婦人腰經也又易其故旣練之葛以麻謂男子腰婦人首也大功之喪旣葬卒哭男子復其練冠帶周之葛帶男子首經婦人腰經皆言周者新紵練男子除首婦人除腰今大功之喪旣葬首腰皆當有經大功旣葬之葛經則小功之經也大四寸六分小不可以居三年之喪故皆冠周紵也通典卷九十七引崔凱表

駁股

喪服難問



入鄉館補校

二十三年五月

喪服古今集記一卷南齊王儉撰儉字仲寶琅邪臨沂人仕齊官至侍中中書令南昌公贈太尉事蹟具南齊書本傳傳稱儉長禮學諳究朝儀每博議證引先儒罕有其例八座丞郎無能異者又言撰古今喪服集記并文集並行於世隋唐並作喪服古今集記三卷今佚南齊書禮志引儉議喪服七篇文惠太子傳載一篇隋書引二節春秋釋文亦引儉說甚出一事皆集記之遺文並據輯補儉又撰禮義答問別爲編次以類相從蕭子顯贊其綱維典範見一班已歷

城馬國翰竹吾市



喪服古今集記

齊王儉撰

宋泰豫元年明帝崩博士周洽議權制諒闇之內不  
親奉四時祠建元四年儉採晉山朝諒闇議奏曰權  
與既行喪禮斯奪事興漢世而源由甚遠殷宗諒闇  
非有服之稱周王卽吉唯宴樂爲譏春秋之義嗣君  
踰年卽位則預朝會聘享焉左氏云凡君卽位卿出  
竝聘踐修舊好又云諸侯卽位小國聘焉以繼好結  
信謀事補闕禮之大者至於諒闇之內而圖婚三年

未終而吉禘齊歸之喪不廢蒐杞公之卒不徹樂皆  
致譏貶以明鑒戒自斯而談朝聘燕嘗之典卒哭而  
備行婚禘蒐樂之事三載而後舉通塞興廢各有由  
然又案大戴禮記及孔子家語竝稱武王崩成王嗣  
位明年六月既葬周公冠成王而朝于祖以見諸侯  
命祝雍作頌襄十五年十一月晉侯周卒十六年正  
月葬晉悼公平公既卽位改服脩官燕于曲沃禮記  
曾子問孔子曰天子崩國君薨則取羣廟之主而藏  
諸祖廟禮乎卒哭成事而後主各反其廟春秋左氏

傳凡君卒哭而禘而後特祀於主蒸嘗禘於廟先  
儒云特祀於主者特以喪禮奉新亡者至於寢不同  
於古蒸嘗禘於廟者卒哭成事羣廟之主各反其廟  
則四時之祭皆卽吉也三年喪畢吉禘於廟躋羣主  
以定新主也凡此諸議皆著在經詰昭乎方冊所以  
晉宋因循同規前典卒哭公除親奉蒸嘗奉禮無違  
因心允協爰至泰豫元年禮官立議不宜親奉乃引  
三年之制自天子達又據王制稱喪三年不祭唯祭  
天地社稷越縞而行事曾不知自天子達本在至情

既葬釋除事以權奪委哀襲哀孝享宜申越紼之旨  
事施未葬卒哭之後何紼可越復依范宣之難杜預  
譙周之論士祭竝非明據晉武在喪每欲存寧戚之  
懷不全依諒闇之典至於四時蒸嘗蓋以哀疾未堪  
非便頓改舊式江左以來通儒碩學所歷多矣守而  
弗革義豈徒然又宜卽心而言公卿大夫則負宸親  
臨三元告始則朝會萬國雖金石輟響而羹羹充庭  
情深於恒哀而跡降於凡制豈曰能安國家故也宗  
廟蒸嘗孝敬所先寧容吉事備行斯典獨廢就令必

宜廢祭則應三年永闕乃復同之地故有司攝禮進  
退二三彌乖典衷謂宜依舊親奉從之

兩齊書禮志上

建元四年高帝山陵昭皇后應遷祔祠部疑有祖祭  
及遣啓諸奠九飯之儀不儉議奠如大斂賀循云從  
墓之墓皆設奠如將葬廟朝之禮范甯云將窆而奠  
雖不稱爲祖而不得無祭從之有司又奏昭皇后神  
主在廟今遷祔葬葬有虞以安神神既已處廟改葬  
出靈豈應處祭鄭注改葬云從廟之廟禮宜從同從  
墓之墓事何容異前代謂應無虞儉議范甯云葬必

有魂車若不爲其歸神將安舍世中改葬卽墓所施  
靈設祭何得不祭而毀耶賀循云既窆設奠於墓以  
終其事雖非正虞亦粗相似晉氏脩復正陵宋朝敬  
后改葬皆有虞今設虞非疑從之

南齊書  
禮志下

建元二年皇太子妃薨前宮臣疑所服儉議禮記文  
王世子父在斯爲子君在斯爲臣且漢魏以來宮僚  
充備臣隸之節具體在三皆庚翼妻喪王允滕宏謂  
府吏宜有小君之服況臣節之重耶宜禮爲舊君妻  
齊衰三月居官之身並合屬假朝踊哭悉繫東宮今

臣之未從官在遠者於居官之所屬寧二日半仍行  
喪成服遺蔑表不得奔赴從之

太子妃薨新草乘黃議建銘旌儉議禮既塗棺視取銘  
置于室東大斂畢便應建于西階之東

宋大明二年太子妃薨建九旒有司又議斬莫日建  
旒與不若建旒應幾旒及畫龍升降云何又用幾翼  
儉議旒本是命服無關於凶事今公卿以下平存不  
能備禮故在凶乃建耳東宮秩同上公九命之儀妃  
與儲君一體義不容異無緣未同常例別立凶旒大

明舊事是不經詳議率爾便行耳今宜考以禮典不  
得効九從失吉部伍自有桁輅凶部別有鉞旌若復  
立旒復置何處爨自用八從之

有司奏穆妃卒哭後靈還在道遇朔望當須設祭不  
儉議既虞卒哭祭之於廟本是祭序昭穆耳未全同  
卒吉回時之祭也所以有朔望殷事蕃國不行權制  
宋江夏王妃卒哭以後朔望設祭帝室既以卒哭除  
喪無緣方有朔望之祭靈寢雖未升廟堂而廟中卽  
有廟猶如桓立及宋高祖長沙臨川二國並有移



廟之禮豈復謂蠲筮在途便設殷事耶推此而言朔  
望不復俟祭未竟后時舊事不及此益可知時議從  
之

建元三年有司奏皇太子穆妃以去年七月薨其年  
閏九月未審當月數閏爲應以閏附正月若用月數  
數閏者南郡王兄弟便應以此四月晦小祥至於祥  
月不爲有疑不僉議曰三百六旬尙書明義文公納  
幣春秋致議穀梁云積分而成月公羊云天無是月  
雖然左氏謂告朔爲得禮是故先儒咸謂三年替喪

歲數沒閏大功以下月數數閏夫閏者蓋是年之餘  
日而月之異朔所以吳商云含閏以正其允協情理  
今杖菴之喪雖以十月而小祥至於祥禫必須周歲  
凡厭屈之禮要取象正明祥禫相去二月厭降小祥  
亦以則之又且求之名義則小祥本以年限考於倫  
例則相去必應二閏今以厭屈而先祥不得謂此求  
之非其事既同條精無異貫沒閏之理固在言先謂  
令祥在此晦則去禫三月依附准例益復爲禫謂應  
須五月晦乃祥此國之大典宜其精詳并通閏八座

丞郎研盡同異尙書令褚淵難儉議曰厭屈之典由  
所尊奪情故祚編備制而年月不申今以十一月而  
祚從祔可知既計以月數則應數閏以成典若猶舍  
之何以異於編制疑者正以祚之常閏月數相懸積  
分餘閏曆象所宏計月者數閏故有餘月計年者苞  
含故致盈積稱理從制有何不可儉又答淵難曰含  
閏之義通儒所難但祚本應祔屈而不遂語事則名  
體具存論哀則情無以異迹以數月義實計年閏是  
年之歸餘故宜摠而苞之祔而兩祚緣尊故屈祚則

沒閏象年所申屈申兼著二途具舉經紀之旨其在  
茲乎如使五月小祥六月乃閏則祥之去縞事成二  
月是爲十一月以象前替二朔以放後歲名有區域  
不得相參魯襄二十八年十二月乙未楚子卒唯書  
上月初不言閏此又附上之明義也鄭射王賀唯云  
替則沒閏初不復區別杖替之中祥將有不候言矣  
成休甫云大祥後禪有閏別數之明杖替之祥不得  
方於縗緇之末卽恩如彼就例如此淵又據舊義難  
儉十餘問儉隨事解釋祠部郎中王珪之議謂喪以

間施功衰以下小祥值開則略而不言今雖厭祥名  
猶存異於餘服計月爲數屈追慕之心以遠爲適日  
既餘分月非正朔含而全制於情唯允僕射僉議理  
據詳博謹所附同今司徒淵始雖疑難再經往反未  
同僉議依舊八座丞郎通共博議爲允以來五月晦  
小祥其祥禪自依常限奏御班下內外詔可

建元三年太子穆妃薨南郡王聞喜公國臣疑制君  
母服僉又議禮庶人爲國君齊衰先儒云庶人在官  
若府史之屬是也又諸侯之大夫妻爲夫人服總衰

七月以此輕微跡遠故不得盡禮今皇孫自是蕃國之王公太子穆妃是天朝之嫡婦宮臣得申小君之禮國官豈敢爲夫人之敬當單衣白帕素帶哭于中門外每歸輒入與宮官同

並同上

穆妃薨成服日車駕出臨喪朝議疑太子應出門迎儉曰尋禮記服問君所主夫人妻太子嫡婦言國君爲此三人爲主喪也今鶯輿臨降自以主喪而至雖因事撫慰義不在弔南郡以下不應出門奉迎但尊極所臨禮有變革權去杖經移立戶外足表情敬無

煩止哭皇太子既一宮之主自應以車駕幸宮依常  
奉候既當成服之日吉凶不容相干宜以衰饋行事  
望拜止哭率由舊章尊駕不以臨弔奉迎則惟常體  
求之情禮如爲可安

南齊書文惠太子傳

心制終二十七月

隋書禮儀志

袷服降爲大功皆不可以婚嫁

同上引徐及王文憲並云

春秋左氏傳襄十八年萊莒枕草王儉云夏枕自冬

枕草

陸德明春秋釋文